

INUIT ATAQATIGIIT INATSIARTUNI



UKA2024/9

Juliane Enoksen

Inatsisartut Ombudsmandiata 2023-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

Inuit Ataqatigiinniik Inatsisartut ombudsmandiata, ukiumoortumik nalunaarutaanut, ombudsmandi qujaffigaarput.

Inuit Ataqatigiinniik pingaartitaraarput, pisortaniik torersumik sullinneqarsinnaanitta periarfissaajuaannarnissaa.

Tamannaavorlu aamma ombudsmandip suliaasa pingaarnersaat, innuttaasut eqqortumik torersumillu sullinneqarnissaasa qulakkeerneqarnissaat.

Qujanartumillu innuttaasut, pisinnaatitaaffimminnik atuineraluttuinnarneranik kinguneqartoq, ilumut eqqortumik sullinneqarsimanerminnik apeqquusiisunut. Innuttaasummi pisinnaatitaaffigaa pisortaniik eqqunngitsuusorisaminnik sullinneqaruni, naammangittaalliorsinnaatitaanini atussallugu. Nalunaarummilu tamanna aamma ersersinneqarpoq. Ombudsmandimillu oqaloqateqarnermi tamanna taaneqallattaavoq, allaat suliaat 20 %-mik qaffariarsimallutik.

Innuttaasut sullinneqarnermikkut naammagittaalluiteqaataat, annertuumik kommuneniippoq. Taakkunani malunnarnerpaallutik, inunnik sullissinikkut susassaqarfinni. Taassumalu tikkuarpaa, sullissisussatut ilinniarsimasut suli annertusartariaqarivut, inatsisit aamma nutartertarmata. Nutaangornerinilu alloriarfinni aaqqiiffissat ersarinnerusutut ittut, sulisullu amingartarnerat

INUIT ATAQATIGIIT INATSIARTUNI



peqqutaakkajuttartoq ombudsmandip oqaloqatiginerani paasivarput, tamakkulummi kommuneni nalaattarpagut, sullissisunik amigateqartuarnerup kingunerikkajukkaat. Taamaammatt sullissinerit qitiusoqarfimmiittut, qanimut peqataalluinnarlutik kommunenut suleqateqartariaqarput. Periarfissat ilagaat qitiusoqarfimmi sulineq kommunenut agguassinnaasariaqartut, sullitat qanimut malinnaaffigilluarniaraanni.

Tassuuna suliassaqarnerpugut suli, tamannalu ataavartumik ingerlasariaqarpoq.

Aammali Naalakkersuisunut uparuaasoqarpoq, arfattassat pillugit, piginnaatitsissutitut aalajangersakkanik taaneqartartoq, Naalakkersuisoqarfiup nalunaarummi malittarisassanik aalajangersaanermini atorsinnaasarisimasaralua, taamaaliorsimanngitsorli.

Pisut aaqqiissutissaqarfiusunik tikkuussisut, suli suliassaqarnitsinnik tikkuussipput. Inatsisartutullu tamakkua ataavartumik suliassaraagut, inatsisit nutartertuartuummata.